



Broj predmeta: UP-I-KSI-09-3/23

Datum: 14.04.2023. godine

Na osnovu članova 25. i 33. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu protiv A. M., [REDACTED] predsjednika Izborne Komisije Brčko distrikta Bosne i Hercegovine, kao nosioca javne funkcije, pokrenutog Zaključkom, broj: UP-I-KSI-09-3/23 od 17.01.2023. godine, na 52. sjednici održanoj dana 14.04.2023. godine, donijela je

ZAKLJUČAK

Obustavlja se postupak protiv A. M., [REDACTED] predsjednika Izborne Komisije Brčko distrikta Bosne i Hercegovine, kao nosioca javne funkcije, koja je obavljala javnu funkciju do 21.12.2022. godine, pokrenut Zaključkom, broj: UP-I-KSI-09-3/23 od 17.01.2023. godine, radi sumnje na povredu člana 19. stav (1) i stav (2) i člana 20. Zakona o sprečavanju sukoba interesa u institucijama Brčko distrikta Bosne i Hercegovine, zbog neusklađenosti podataka o pokretnim stvarima vrijednosti veće od 5.000,00 KM, te neusklađenosti podataka o nekretninama bračnog druga nosioca javne funkcije, u podnesenom Izveštaju o imovinskom stanju dana 09.02.2022. godine, koja proizilazi iz prikupljenih podataka od strane nadležnih organa i institucija za nosioca javne funkcije.

Образложење

Dana 17.01.2023. godine Komisija za odlučivanje o sukobu interesa po službenoj dužnosti pokrenula je postupak Zaključkom, broj: UP-I-KSI-09-3/23 od 17.01.2023. godine, protiv A. M., [REDACTED], predsjednika Izborne Komisije Brčko distrikta Bosne i Hercegovine, kao nosioca javne funkcije, koja je obavljala javnu funkciju do 21.12.2022. godine, radi sumnje na povredu člana 19. stav (1) i stav (2) i člana 20. Zakona o sprečavanju sukoba interesa u institucijama Brčko distrikta Bosne i Hercegovine, zbog neusklađenosti podataka o pokretnim stvarima vrijednosti veće od 5.000,00 KM, te neusklađenosti podataka o nekretninama bračnog druga nosioca javne funkcije u podnesenom Izveštaju o imovinskom stanju dana 09.02.2022. godine, koja proizilazi iz prikupljenih podataka od nadležnih organa i institucija za nosioca javne funkcije.

Dana 06.02.2023. godine, u zakonskom roku, Komisiji je dostavljeno pisano izjašnjenje na zaključak Komisije o pokretanju postupka, broj: UP-I-KSI-09-3/23 od 17.01.2023. godine, u kojem nosilac javne funkcije navodi da pokretne stvari odnosno putnički automobil marke „CITROEN“, registarskih oznaka: [REDACTED] godina proizvodnje 2008, vlasništvo A. M., nosioca javne funkcije nije prijavila u Izveštaju o imovinskom stanju budući da u trenutku upisa vrijednosti pokretne stvari nije bila veća od 5.000,00 KM obzirom na stanje u kojem se pokretna stvar nalazila kao i starost pokretne stvari -14 godina. Nosilac javne funkcije navodi

da je shvatanje i razumijevanje zakonskih odredaba jedini razlog zašto nije u Izvještaju o imovinskom stanju upisala i podatke o navedenom putničkom vozilu. Osim navedenog, pokretna stvar nije više u vlasništvu nosioca javne funkcije, obzirom da je prodana za iznos od 4.100,00 KM.

U odnosu na neusklađenost podataka o nekretninama bračnog druga nosioca javne funkcije, A. M. u Izjašnjenju navodi da nekretnina bračnog druga označena kao parcela broj: [REDACTED] u površini od 327 m², upisana u zemljišno-knjižnom izvodu, zemljišno-knjižnog uloška [REDACTED] za k. o. Brčko 2, suvlasništvo Z. M. sa dijelom od 1/16, nije više u vlasništvu bračnog druga, odnosno prodana je dana 20.10.2010. godine, te da Z. M., bračni drug, do trenutka pokretanja postupka nije imao saznanja da kupac nije izvršio uknjižbu prava vlasništva u u zemljišnim knjigama Registra zemljišta u Osnovnom sudu Brčko distrikta BiH. Zbog navedene činjenice o neznanju bračnog druga da kupac nije izvršio promjenu u zemljišnim knjigama, kao i činjenice da je nekretnina prodana, ista nije prijavljena u Izvještaju o imovinskom stanju.

Nosilac javne funkcije, osim navedenog, informira Komisiju da je nakon saznanja od strane Komisije o navedenoj činjenici, bračni drug nosioca javne funkcije dana 02.02.2023. godine u Osnovnom sudu Brčko distrikta BiH, Registar zemljišta, podnio prijedlog za uknjižbu prava vlasništva u korist kupca.

S ciljem dodatnih pojašnjenja, kao dokaze u Izjašnjenju u odnosu na pokretne stvari, A. M., dana 06.02.2023. godine Komisiji je dostavila dokumentaciju, i to: Ugovor o komisionoj prodaji motornih vozila [REDACTED], zaključen između A. M., kao komitenta sa jedne i [REDACTED], kao komisionara, sa druge strane. Predmet ugovora je putnički automobil marke „CITROEN“, registarskih oznaka: [REDACTED] godina proizvodnje 2008, sa procijenjenom vrijednošću od 4.100,00 KM, što je Komisiji mjerodavno za odlučivanje u ovom postupku.

Kao dokaz navoda o nekretnini bračnog druga, nosilac javne funkcije dostavila je [REDACTED] zaključen između Z. M., bračnog druga nosioca javne funkcije, kao prodavca sa jedne i [REDACTED], kao kupca, sa druge strane. Predmet ugovora je suvlasnički dio od 1/16 prava građenja na zemljišnoj parceli označenoj [REDACTED], korisnik Brčko distrikt BiH, kome po zemljišno knjižnom stanju odgovara [REDACTED] upisana u zemljišno-knjižni uložak [REDACTED] vlasništvo Brčko distrikta BiH. Takođe, kao prilog Ugovora, dostavljena je Identifikacija parcela [REDACTED], izdana od Odjeljenja za javni registar, Vlade Brčko distrikta BiH, kojom se potvrđuje da je u Registru zemljišta [REDACTED], u Katastru zemljišta [REDACTED] a stari premjer [REDACTED], što je Komisiji mjerodavno za odlučivanje u ovom postupku. Osim navedenog dostavljen je Prijedlog za uknjižbu prava vlasništva/građenja podnesen od strane bračnog druga nosioca javne funkcije, Osnovnom sudu Brčko distrikta BiH dana 02.02.2023. godine.

U toku vođenja postupka, dana 16.02.2023. godine, nosilac javne funkcije, A. M., dostavila je Komisiji Rješenje Centralne izborne komisije BiH, broj 06-1-07-1-23 od 02.02.2023. godine kojim se daje suglasnost na Odluku Skupštine Brčko distrikta BiH broj: 01-02-6165/22 od 21.12.2022. godine, kojom se dužnosti u članstvu Izborne komisije Brčko distrikta BiH, zbog isteka mandata, razrješava A. M., te je ista obavljala javnu funkciju do dana 21.12.2022. godine.

Dana 06.04.2023. godine, A. M., dostavila je Rješenje Osnovnog suda Brčko distrikta BiH, broj: 096-0-DN-23-000792(660/23), od 28.03.2023. godine, kojim se na osnovu Ugovora o kupoprodaji broj: OPU-1735/10 od 20.10.2010. godine, dozvoljava uknjižba prava vlasništva u [REDACTED] dijela nekretnine od 1/16 Z. M., u korist [REDACTED] čime se potvrđuju navodi nosioca javne funkcije o razlozima propusta unošenja navedene nekretnine u Izvještaj o imovinskom stanju.

Članom 19. stav (1) Zakona propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj, za sebe, bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana propisano da Izvještaj sadrži: a) lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja; b) podatke o sadašnjim prihodima i izvorima prihoda, uključujući sve prihode, plate, dobit od imovine, uplate i druge zarade ostvarene u BiH i u inostranstvu u protekloj kalendarskoj godini; c) podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu; d) podatke o rashodima i drugim obavezama, uključujući sva dugovanja, obaveze, mjenice, kredite i jamstva za takve obaveze u BiH i inostranstvu.

Članom 20. stav (4) Zakona propisano je da se pod pokretnim stvarima veće vrijednosti smatraju vozila, plovila, zrakoplovi, radne mašine, lovačko oružje, umjetnine, nakit, drugi predmeti lične upotrebne vrijednosti, životinje i druge stečene pokretne stvari pojedinačne vrijednosti veće od 5.000,00KM, osim predmeta domaćinstva i odjevnih predmeta.

Članom 23. stav (4) Zakona propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima, dok je istim članom stav (6) Zakona propisano da ukoliko se u postupku provjere tačnosti podataka utvrdi da nosilac javne funkcije nije naveo tačne i potpune podatke u Izvještaju o imovinskom stanju, Komisija pokreće postupak shodno članu 32. ovog Zakona.

Prilikom preduzimanja službenih radnji provjere podataka iz Izvještaja o imovinskom stanju i uvida u podneseni Izvještaj o imovinskom stanju nosioca javne funkcije, uočeno je da je A. M., između ostalog u rubriku "podaci o pokretnim stvarima koji se upisuju u javni registar vrijednosti veće od 5.000,00 KM" navela putnički automobil marke: "C5", godina proizvodnje 2008, te putnički automobil marke: "Hyundai, Tuscon", godina proizvodnje 2016. dok je iz dostavljene dokumentacije od strane Odjeljenja za javni registar, Vlade Brčko distrikta BiH broj: 26-001554/22 (10-1024ZJ-002/22) od 22.09.2022. godine uočeno je da imenovana posjeduje i registrovan putnički automobil i to putnički automobil marke „CITROEN“, registarskih oznaka: [REDACTED] godina proizvodnje 2008, te je shodno zakonskim odredbama, Komisija cijnila da u konkretnom slučaju postoji povreda člana 19. stav (1) i stav (2) Zakona jer A. M. nije tačno i potpuno unijela podatke u Izvještaj o imovinskom stanju.

U postupku provjere Izvještaja o imovinskom stanju i uvida u dokumentaciju dostavljenu od strane Osnovnog suda Brčko distrikta, Registra zemljišta, broj: 096-RZ-22-003224 od 01.09.2022. godine, vezano za provjeru podataka uočena je nesaglasnost u sadržaju Izvještaja o imovinskom stanju u dijelu nepokretne imovine bračnog druga nosioca javne funkcije sa podacima dostavljenim od strane Registra zemljišta. Naime, nosilac javne funkcije prilikom podnošenja Izvještaja o imovinskom stanju, nije prijavio nekretnine bračnog druga označena kao parcela [REDACTED] Ilička Gradilište, u površini od 327m², upisana u [REDACTED], suvlasništvo Z. M. sa dijelom od 1/16, bračni drug nosioca javne funkcije, te je shodno zakonskim odredbama, Komisija cijnila da u konkretnom slučaju postoji povreda člana 19. stav (1) i stav (2) Zakona jer A. M. nije tačno i potpuno unijela podatke u Izvještaj o imovinskom stanju.

U vezi sa navedenim, Komisija je predmetni postupak protiv A. M., predsjednika Izborne Komisije Brčko distrikta Bosne i Hercegovine, kao nosioca javne funkcije, pokrenula Zaključkom, broj: UP-I-KSI-09-3/23 od 17.01.2023. godine, radi sumnje na povredu člana 19. stav (1) i (2) Zakona, koja proizilazi iz netačnog i nepotpuno popunjenog podnesenog Izvještaja

o imovinskom stanju i prikupljenih podataka od strane nadležnih organa i institucija za nosioca javne funkcije.

Imajući u vidu da je A. M., nosilac javne funkcije, dostavila pisano Izjašnjenje na Zaključak o pokretanju postupka, broj: UP-I-KSI-09-3/23 od 17.01.2023. godine, te dokumentaciju kojom potvrđuje navode iz Izjašnjenja, Komisija je izvršila uvid u dostavljeni Ugovor o komisionoj prodaji motornih vozila br. 29/23 od 03.02.2023. godine u kojem je predmet ugovora putnički automobil marke „CITROEN“, registarskih oznaka: [REDAKTIRANO] godina proizvodnje 2008. sa procijenjenom vrijednošću od 4.100,00 KM, te je Komisija ovaj navod cijenila kao istinit, da se u konkretnom slučaju ne radi o pokretnoj stvari u vlasništvu nosioca javne funkcije, vrijednosti veće od 5.000,00 KM, te dostavljeni dokaz cijenila kao dokaz koji je dovoljno pouzdan za istinitost navedenog.

Obzirom da je A. M. dostavila pisano Izjašnjenje i dopunu pisanog izjašnjenja na Zaključak o pokretanju postupka, broj: UP-I-KSI-09-3/23 od 17.01.2023. godine, te u prilogu navedenog Prijedlog za uknjižbu prava vlasništva u korist kupca, Identifikaciju parcele broj: [REDAKTIRANO], izdana od Odjeljenja za javni registar, Vlade Brčko distrikta BiH, Ugovor o kupoprodaji [REDAKTIRANO], zaključen između Z. M., bračnog druga nosioca javne funkcije, kao prodavca sa jedne, [REDAKTIRANO] kao kupca, sa druge strane, Komisija je izvršila uvid u dostavljeni Ugovor o kupoprodaji u kojem je predmet ugovora suvlasnički dio od 1/16 prava građenja na zemljišnoj parceli označena kao: [REDAKTIRANO], te Rješenje Osnovnog suda Brčko distrikta BiH, broj: 096-0-DN-23-000792(660/23), od 28.03.2023. godine, kojim se na osnovu Ugovora o kupoprodaji [REDAKTIRANO], dozvoljava uknjižba prava vlasništva u [REDAKTIRANO] na 1/16 dijela nekretnine Z. M., bračni drug A. M., te je Komisija ove navode cijenila kao istinite, da se u konkretnom slučaju ne radi o nekretnini u vlasništvu bračnog druga nosioca javne funkcije, te dostavljeni dokaz cijenila kao dokaz koji je dovoljno pouzdan za istinitost navedenog.

Shodno navedenom, nosilac javne funkcije nije bio dužan da unese sporno vozilo u Aneks II, jer se radilo o vozilu vrijednosti ispod 5.000,00KM, koje nije više u vlasništvu nosioca javne funkcije kao i spornu nekretninu jer se nije radilo o nekretnini u vlasništvu bračnog druga nosioca javne funkcije, te je Komisija donijela odluku kao u izreci Zaključka.

POUKA O PRAVNOM LIJEKU:

Saglasno odredbama člana 37. stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

**Predsjednik
Komisije za odlučivanje o sukobu interesa**

Admira Mujić, dipl. pravnik

Dostaviti:

1. A. M., [REDAKTIRANO]
2. Internet stranici Komisije,
3. Evidenciji i
4. Arhivi.

